



A541 412 0017 4895B

# 代論

## 鍾榮光先生留別秘魯僑胞書

光此次為嶺南農科大學募捐。迂道南美。逗遛秘魯。將近兩月。秘京利馬。及附近价休。華冷古。未刺科羅厘。佐里容之外。北則百加味玉。杜路希。蘇比。華冷加。八地咪。華造。華刺。爭佳。南則加益地。毡作。衣架。卑古。上下各埠。所到之處。荷蒙各僑胞竭誠歡迎。出心出力。贊助農科大學。甚至個人之舟車食宿與出入。無不招待周至。豈止光感激厚誼。君等愛祖國愛同胞之熱誠。將留嶺南以一極大之紀念。亦為廣東善後。成立一農業之基礎。此外磨烟杜。亞利基巴。羅馬士。衣羅。木

南大與華僑

嬌華。禁馬那。般奴。橫咪。細因。汕孟古。里邊耶。加土馬。占末地。志記拉玉。比面爹。跛打。標喇。光所未能親到。由通惠總局寄去捐冊。函請助力者。想亦一致贊成。感謝無極。

光昨日離魯。當最滿意之時。有一最痛心之事。欲為各僑胞言之。我國之受外人欺侮極矣。居留彼國。不問大商小販。時時受人排斥。其帶備川資護照。由祖國來者。且處處被人拒絕。中南美洲各國尤甚。船公司之走南美太平洋西岸者。其通告書。多聲明不載土耳其人。埃及人。印度人。黑人及中國人。光之來此。己經過幾度交涉。今此離秘。前往智利。彼國船不載華客。乃搭英國船。英船又云不載。及得

0033020

史代辦介紹書。以爲交價取票矣。乃于光所執華盛頓中國使館護照。所到各國領事簽字蓋印。醫生種痘証書。及史代辦介紹書外。仍須交出美金一百元作按。預備智國海關拒我。原船載回之用。親身走了价休二次。費了一日工夫。然後買得船票一張。光自問在嶺南二十餘年。游歷世界二十餘國。人事稍熟。出入人國。尙且如此麻煩。各僑胞有不如我者。麻煩更何以堪。

光因此愈加感想。不能有五色國旗之船。來往中國及中南美洲。我國招商局。開辦數十年。未有一船過太平洋。中國郵船公司。前者又全盤失敗。今聞秘魯中華航業公司。又有虧本歇業之消息。如果此嶺南一船。尙不能接續行走

。自今以後。各僑胞往來中南美洲。我恐對於白人則氣死。對於日本人則羞死。又聞通惠總局各位職員。及各城代表。經已出力維持。重新組織一公司。接管嶺南一船。與舊公司劃清界限。節省經費。認真整頓。此乃我僑胞來往一線之生路也。

最近聞新公司招股。已達二十餘萬元。事關祖國榮辱。與僑胞切身之利害。居留秘魯一份。實在無可卸責。即凡中南美洲僑胞。休戚相關。豈能坐視。但須由旅秘諸君爲首出力耳。各各鼎力。一二百萬之股份。亦不難致。抑光更欲有言於僑胞者。各國船公司之設。不止爲本國搭客之利便。亦爲各國商業之競爭。故政府每撥庫欸津貼。日本及歐美各國。多有此

例。故能維持其本國船業于不敗。今日未能以此例要求我國政府。惟有全體僑胞。出而担任。幸而有通惠總局。爲全秘華僑之總團體。最普及者。公定旅秘僑胞。凡有職業者。按照月薪多少。出百分之幾。其有資產者。多多益善。皆于認股之外。助爲津貼之費。俟新公司成立。船業穩固。然後止截。將來照本言息。亦與附股一體。此議係由黎拾義君提出。與光討論多次。竊以爲維持之法。未有善於此者。各僑胞之中。間有談及舊公司。歷數其如何腐敗。當事人如何放棄。以再辦船公司爲戒。不知凡此種種。其咎全在人事。並非無法整頓。今日我僑胞出入。幾乎無路可行。萬不能因噎廢食。舊公司如何失敗。儘可招集會議。與舊

人算賬。一面結合團體。公舉賢能。萬衆一心。入多出多。入少出少。務促新公司之成立。必不使嶺南船之停擺。君等居此地。人人有發財之機會。人人有滿載榮歸之時。今日此舉。謂爲維持船業。不如作爲預定船票。全僑有益。個人亦有利。此光臨別贈言于君等全秘僑胞。至於僑學。另有獻議。下日再詳。敬祝  
義安  
鍾榮光謹上

中華民國十三年十月廿三日

PENCIN-EBRO 船中

陳輯五先生在華僑大會演說詞

(加拿太晨報)(一)

今晚得蒙在座僑胞召弟等來此演說。使弟等得與千餘僑胞相見。並有機會得將敝農學實在情